

Končalpa, Unston 5/III - 20

Medjimurski večer

seljačkog pjevačkog Zbora iz Macinca pod vodstvom g. župnika Vatroslava Lipnjaka.



Raspored:

1. Narodne: a) Tri dni mi je, kak sam došel s tabora.
b) Zelena dubrava.
c) Čuk sedi, čuk sedi.
d) Djura mlad mladenec.
2. Narodne: a) Lepi moj vrtić ograjen.
b) Grad se beli preko Balatina.
c) Sprevadaj me draga.
d) Kud si hodil, gde si bil.

O d m o r .

3. Narodna: Dober večer grličica.
Sopran-solo pjeva Katica Jambrović.
4. Narodne: a) Ni mi volja već na svetu živeti.
b) Zrasla mi je ruža.
c) Pod kopinom pod zelenom.
d) Cin can cvrgudan.



Sve narodne pjesme harmonizirao i priredio za mješoviti zbor g. VINKO ŽGANEC.

.....
Cijena 2 K.
.....



I. a) TRI DNI MI JE, KAK SEM DOŠEL S TABORA.

Tri dni mi je, kak sam došel s tabora;
Pala mi je konju z noge potkova.

Tri dni mi je, kak sam došel s tabora;
Pala mi je konju z noge potkova.

Kovač majster, potkovaj mi konjiča,
Kaj bum jahal, tam 'de moja grlica.

Svetli mesec, sveti meni celo noč,
Kaj bum jahal svojoj dragi npravnoč.

Ne će meni svetli mesec svetiti,
Ne će mene moja draga ljubiti!

b) ZELENA DOBRAVA.

Zelena dobrava, potrpi mi hlada,
Gde bu me čakala moja mila draga.

Moja mila draga k sebi privijala,
K sebi privijala, kaj najlepše znala.

Kušnul bi ti lica, draga grličica,
Ali da med nami globoka vodica.

Globoka vodica i široko polje,
Da ne morem videt belo lice tvoje.

Belo lice tvoje i tve črne oči,
Za koje sam senjal vu dne i vu noči.

Tvoje črne oči mene nazad meču,
Tvoja slatka vusta mene v srcu pečū.

Niti ti za menom, niti ja za tobom,
Nego, dragi golub, z jednom rečkom: Zbogom!

c) ČUK SEDI, ČUK SEDI.

Čuk sedi, čuk sedi,
Na zelenom boru.
Čuk sedi, čuk sedi,
Milo se zgledava.

Hodí sej, hodi sej,
Grlica prez para!
Nejdem nej, nejdem nej,
Ar me majka kara.

On gledi, on gledi
Grlicu prez para!
On gledi, on gledi,
Tožno preišljava.

Či buš ti, či buš ti
Majku poslušala,
Kesno boš, kesno boš
Sineka zibala.

d) DJURA, MLAD MLADENEC.

„Djura, mlad mladenec, moj zeleni venec!
Djura, mlad mladenec, moj zeleni venec!
Kaj čekaš, kaj kaniš, kaj po me ne dojdeš?
Po me su hodili troje fele ljudi,
Troje fele ljudi, mladi latinčari.“
— Zakaj si ne išla, či su ti hodili? —
„Išla bi ja išla, na te sam mislila“.

II. a) LIJEPI MOJ VRTIĆ, OGRAJEN.

Lijepi moj vrtić, ograjen,
Ves si mi s cvetjem zasajen,
Zasajen.

Po njenj je jena stezica,
Po njoj se seće divojka,
Divojka.

Za njom se rože gibaju.
Kaj se vi rože giblete?
Giblete?

Kaj se vi rože giblete,
Nemam vas komu trgati!
Trgati!

Otec i majka prestari,
Sestre i z braćom premladi,
Premladi

A moj je dragi daleko,
Za jenom gorom visokom,
Visokom.

b) GRAD SE BELI PREKO BALATINA.

Grad se beli preko Balatina.
Grad se beli preko Balatina.
Sunaj naj, sunaj naj, sunaj naj, sunaj naj!
Grad se beli preko Balatina.
Kre grada se sive ovce pasu.
Nje mi zvrća mlada devojčica;
Nje mi zvrća, veselo popeva:
Imam braca, imam i dragoga!
Nju mi sluša kralj Matijaš z grada;
Nju mi sluša pak ju glasno pita:
Ej, koliko bi za kojega dala?
Za braca bi črne oči dala.
Za dragoga tu črnu zemlicu.

c) SPREVDJAJ ME DRAGA.

Sprevdjaj me, draga, do mojega dvora!
Bi te sprevdjala, daj za dvore znala,
Za moje ti dvore saki znati more.
Moji su ti dvori šipkom ograjeni,
Cvećem zasejani, šipkom rascvetani.
V mojem dvoru rastu tri grma fušpana,
V sakim grmu sedi fiica beli golub.
Prva zapopeva večer: dober večer;
Druga zapopeva vuru opolnoči.
Tretja zapopeva jutro rano zorju:
Zorja moja, zorja, ne shajaj mi rano,
Ne shajaj mi rano, počekaj me malo:
Da si ja zašijem dragomu robaču,
Kuju imal bode, kad vu vojnu pojde.

d) KUD SI HODIL, GDE SI BIL.

Kud si hodil, 'de si bil, kaj si čizme zarosil?
Kud si hodil, 'de si bil, kaj si čizme zarosil?
Ki po noči hodijo, rosne čizme nosijo.
Ki po dnevu hodijo, svetle čizme nosijo.

III. DOBER VEČER GRLIČICA.

Dober večer grličica ti želim,
Predi kak ti dve tri rečkice povem,
Predi kak ti dve tri rečkice povem,
Kaj od svega srca Tebi ja želem.

Kaj sam Tebi grličica tolko kriv,
Kaj me stavljaš toga sveta dok sam živ,
Ne sam štela tebe golub staviti,
Neg sam štela svoju majku fkaniti.

Moja stara majka mene karala,
Kaj nej bila kletu dete zibala.
Nikaj zato či bi ga i zibala,
Jošće bi se za ljubav zmišljavala.

Ovdi jesu svake fele ružice,
Ali ga je nej črez moje grlice.

Ovdi jesu svake fele ražice,
Ali ga je nej črez moje grlice.

Posadil sem šipek ruže sve na red,
Hodi draga idemo je mi dva glet.
Nejdemo je nigdar dragi mi dva glet,
Ti si med njimi išče lepši cvet.

V leti ide sunce doli pomali,
Moja mila veli, da me ostavi.
Daj mi draga svoju desnu rukicu,
Da te vezda ljubim zadnju nočkicu.

IV. a) NI MI VOLJA VEČ NA SVETU ŽIVETI.

Ni mi volja več na svetu živeti Oca mi je hladna voda vmorila,
Jer ja nemam kogu srcu ljubiti. Majku mi je črna zemlja pokrila.

Nemam več na svetu nigdi nikoga, Dojdi sinek bar na letu dva tri put,
Nemam majku, niti oca živoga. Pak zasadi s rožicami zelen grob.

Kaj na' rasla sam travica zelena,
Kaj bu cvela i ružica črlena.

b) ZRASLA MI JE RUŽA.

Zrasla mi je ruža kre dvora Štel sam te pitati: kaj stojiš?
Jesi, draga, čula moga govora? Kaj moje srcece žalostiš?
Zrasla mi je ruža kre dvora: Štel sam te . . .
Jesi, draga, čula moga govora?

Videl sam ja tebe postati, Štel sam te pitati, draga ma:
Vuni na vulici pred vrati. Koga boš ljubila od sada?
Videl sam . . . Štel sam te :

— Nikoga drugoga, kak Boga,
I tebe, dragoga goloba.
Nikoga . . .

c) POD KOPINOM.

Pod kopinom pod zelenom tam je njemu spavati, tam je njemu spavati
Obečal mi svilen robec, ne rad'bi mi davati, ne rad'bi mi davati!
Ako njegva stara mati ne će mi ga davati, ne će mi ga davati!

Pod kopinom . . .
Obečal mi zlaten prsten, ne rad'bi mi davati;
Ako njegva . . .

Pod kopinom . . .
Obečal mi žute čizme, ne rad' bi davati;
Ako njegva . . .

d) CIN CAN CVRGUDAN.

Cin can cvrgudan, maček ide v kovačnicu
Kaj bu maček v kovačnici, iglice bu delal.

Cin can cvrgudan, kaj bu maček s iglicami.
Vrečice si šival bude, vrečice bu šival.

Cin can cvrgudan, kaj bu maček s vrečicami,
Žireka si bu pobiral, žireka pobiral.

Cin can cvrgudan, kaj bu maček s žirekom,
Svinjice si bude hranil, svinjice bu hranil.

Cin can cvrgudan, kaj bu maček s svinjicami,
Kuhal si i pekel bude, kuhal si ih bude.